

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 065-0-SU-15-001572
Sarajevo; 06.07.2015.

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14) i člana 14. Pravilnika o unutrašnjoj organizaciji Općinskog suda u Sarajevu broj: 065-0-SU-11-003811 od 25.10.2011. godine, na preporuku Komisije za javnu nabavku broj: 065-0-SU-15-001572 od 01.07.2015.godine u postupku javne nabavke usluga štampe različitih obrazaca, Predsjednik suda d o n o s i:

ODLUKA o izboru najpovoljnijeg ponuđača

Član 1.

Prihvata se Preporuka Komisije za javne nabavke i Okvirni sporazum za nabavku usluga štampe različitih obrazaca za potrebe rada suda dodjeljuje se najpovoljnijem ponuđaču „ŠTAMPARIJA FOJNICA“ d.d. Fojnica a prema pristigloj ponudi broj: 149/15-2 od 23.06.2015. godine u ukupnoj vrijednosti od 98.399,34 KM sa PDV-om na period od 12 mjeseci.

Član 2

- (1) Prijedlog Okvirnog sporazuma dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude
- (2) Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke a u skladu sa tačkom 12 i 13. tenderske dokumentacije.
- (3) U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici suda, www.oss.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 065-0-SU-15-001572 – Nabavka usluga štampe od 27.05.2015. godine.

Javna nabavka je provedena putem Otvorenog postupka uz zaključenje Okvirnog sporazuma.

Procijenjena vrijednost javne nabavke bez PDV-a iznosi 120.000,00.

Tekst Otvorenog postupka učinjen je dostupnim svim zainteresovanim ponuđačima, uz pismeni zahtjev i plaćanje naknade. Za predmetnu nabavku objavljeno je obavještenje o nabavci na portalu javnih nabavki pod brojem 1299-1-2-36-3-9/15 dana 04.06.2015. godine u 10,00 sati.

U skladu sa Odlukom o pokretanju postupka, Komisija za provođenje postupka javne nabavke formirana Rješenjem broj: 065-0-SU-15-001572 od 27.05.2015. godine sprovela proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su do utvrđenog dana i sata

dostavljene od strane ponuđača na adresu Ugovornog organa, a kako je traženo u tekstu tenderske dokumentacije broj: 065-0-SU-15-001572 od 04.06.2015. godine.

Zapisnik o pregledu i ocjeni ponuda broj: 065-0-SU-15-001572 od 01.07.2015. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda osam (8)
- da je blagovremeno zaprimljeno ukupno osam (8) ponuda
- da nema neblagovremeno zaprimljenih ponuda
- da su 2 (dvije) ponude ponuđača „GRAFOMARK“ d.o.o. i „VUTIS“ d.o.o. neprihvatljive za Ugovorni organ s obzirom da ponuda nije potpuna sa aspekta tražene dokumentacije.
- da šest (6) ponuda ispunjava uslove tehničke specifikacije i druge uslove propisane od strane Ugovornog organa i dostavljene su od strane ponuđača „ŠTAMPARIJA FOJNICA“ d.d.; „EUROGRAFIKA“ d.o.o.; „GRAFIKA ŠARAN“ d.o.o. „BIROTEHNIK-KOMERC“ d.o.o.; „SVJETLOST – BH PRINT“ d.o.o. i „A DIZAJN“ d.o.o.
- da vrijednost najniže dostavljene prihvatljive ponude iznosi 84.102,00 KM a najviše 114.316,00 KM.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelost se prihvata Zapisnik o pregledu i ocjeni ponuda.

U skladu sa kriterijumom najniža cijena, okvirni sporazum na osnovu kojeg će se zaključivati pojedinačni ugovori za sukcesivnu nabavku usluga štampe različitih obrazaca za potrebe rada suda se dodjeljuje ponuđaču „ŠTAMPARIJA FOJNICA“ d.o.o. Fojnica na period od 12 mjeseci u ukupnoj vrijednosti nabavke od 84.102,00 KM bez PDV-a. Vrijednost okvirnog sporazuma i ugovora koji će se zaključiti po osnovu provedene nabavke iznosi 98.399,34 KM sa PDV-om na period od 12 mjeseci.

PRAVNA POUKA

Svaki ponuđač koji ima legitimni interes u predmetnom postupku javne nabavke a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. Zakona.

Prilog:

1. - Zapisnik o pregledu i ocjeni ponuda broj: 065-0-SU-15-001572 od 01.07.2015.

Dostaviti:

2. Svim učesnicima u postupku
3. Komisija za javne nabavke
4. Služba računovodstva
5. a/a

Predsjednik suda

JANJA JOVANOVIĆ